



Number	DCF 202 Child Care Certification Standards	Neeg Ua Ntawv Thov		Certification Agency			COMMENTS
		Y	N/A	Y	N	N/A	
<b>202.08(1) QUALIFICATION OF PROVIDERS</b>							
<b>202.08(1)(a) Ability, Age and Health</b>							
(1)(a)1.	Tus neeg muaj ntawv pov thawj zov me nyuam lub cev thiab lub siab ntsws yuav tsum muaj rab peev xwm zov tau me nyuam thiab yuav tsum muaj hnuv nyoog yau kawg nkaus yog 18 xyoo.						
*(1)(a)2.	Tus neeg muaj ntawv pov thawj zov me nyuam, tus neeg hauv tsev, tus neeg pab dag zog dawb, tus neeg qhua tuaj xyuas los yog tus niam txiv uas muaj cov kev mob tshwm sim los yog muaj ib tug kab mob kis tau yooj yim uas tsim nyog ceeb toom qhia raws li txoj cai ch. DHS 145 uas yuav kis tau los ntawm kev sib chww, los yog qhov kev mob ntawm tus yam ntxwv los yog lub siab ntsws los yog lub cev yuav ua ib txoj kev txhawj xeeb rau txoj kev nyab xeeb ntawm cov me nyuam, yuav tsis chww cov me nyuam zov.						
(1)(a)3.	Tus tswj hwm yuav tsum ua kom pom tias nws tsis muaj tus mob ntsws ua ntej muab ntawv tso cai. Lub chaw ua hauj lwm muab ntawv pov thawj kuj yuav lees txais cov ntaub ntawv ntsuam xyuas kab mob mus txog 12 lub hlis ua ntej hnuv ua tsab ntawv thov. Txhua tus zov me nyuam, uas tsis yog tus tswj hwm, yuav tsum ua kom pom tias nws tsis muaj tus mob ntsws ua ntej nws pib ua hauj lwm nrog cov me nyuam. Rau ib tus neeg zov me nyuam uas tsis yog tus tswj hwm qhov kev zov me nyuam, qhov chaw khiav hauj lwm kuj yuav lees txais cov ntaub ntawv ntsuam xyuas kab mob mus txog 12 lub hlis ua ntej hnuv tus neeg zov me nyuam pib ua hauj lwm nrog cov me nyuam.						
<b>202.08(1)(b) Training</b>							
*(1)(b)1.	<b>Me Nyuam Mos Kev Cia Li Tuag (Sudden Infant Death Syndrome) (SIDS):</b> Txhua tsev neeg thiab tus tswj hwm chaw zov me nyuam hauv tsev thiab tas nrho cov neeg ua hauj lwm thiab cov ua hauj lwm pab dawb uas zov thiab muab kev saib xyuas rau cov me nyuam tsis tau muaj 1 xyoo yuav tsum tau txais kev cob qhia uas tau pom zoo los ntawm kev kho mob tsis ntev los no hais txog cov hauv kev tiv thaiv qhov me nyuam mos cia li tuag ua ntej hnuv uas tus tswj hwm txais ntawv tso cai los yog ua ntej cov neeg ua hauj lwm thiab cov pab dawb pib ua lawv txoj hauj lwm. <b>Hnuv kawm tiav SIDS:</b>				**		
*(1)(b)1.	<b>Kev Nchos Me Nyuam (Shaken Baby Syndrome) (SBS):</b> Tshwj rau tus ua hauj lwm pab dawb uas tsis yog saib xyuas ib leeg ntawm ib tug me nyuam, txhua tus tswj hwm, tus neeg ua hauj lwm los yog tus pab dawb uas zov thiab muab kev saib xyuas rau cov me nyuam tsis tau muaj 5 xyoo yuav tsum tau txais qhov kev cob qhia uas tau pom zoo los ntawm lub department hais txog SBS thiab cov mos liab muaj feem rau hauv thiab cov kev zoo phim los mus tswj cov me nyuam quaj thiab txob taus. Txoj kev kawm yuav tsum yog kawm raws ib lub tswv yim nram no:				**		
(1)(b)1.a.	Ua kom tiav tus kheej qhov kev cob qhia uas tau pom zoo los ntawm lub department hais txog kev tiv thaiv SBS thiab cov mos liab muaj feem rau hauv ua ntej hnuv uas tus tswj hwm txais ntawv tso cai los yog ua ntej cov neeg ua hauj lwm thiab cov pab dawb pib ua lawv txoj hauj lwm. <b>Hnuv kawm tim ntsej tim muag tiav:</b>						
(1)(b)1.b.	Saib daim video uas tau tso cai los ntawm lub department hais txog kev tiv thaiv SBS ua ntej hnuv uas tus tswj hwm txais ntawv tso cai los yog ua ntej cov neeg ua hauj lwm thiab cov pab dawb pib ua lawv txoj hauj lwm thiab ua kom tiav tus kheej qhov kev cob qhia uas tau pom zoo los ntawm lub department tsis pub dhau 6 lub hli ntawm qhov pom zoo muab ntawv tso cai los yog cov neeg ua hauj lwm thiab cov pab dawb pib ua lawv txoj hauj lwm. <b>Hnuv kawm hauv daim yeeb yaj kiab tiav:</b>						
(1)(b)2.a.	Ib tus tswj hwm muaj ntawv tso cai yuav tsum tau ua kom tiav tsawg kawg 2 credits ntawm kev kawm txog me nyuam mos thaum ntxov thiab qhov kev kawm Fundamentals of Family Child Care los yog qhov kev cob qhia tsis tau credit, uas pom zoo los ntawm lub department ua ntej muab ntawv tso cai tsis muaj kev txawv. (Introduction to Child Care Profession, Module A <b>thiab</b> Fundamentals of Family Care yuav ua tau raws li qhov kom ua no.) <b>Hnuv kawm tiav:</b>						
(1)(b)2.b.	Ib qhov chaw khiav hauj lwm muab ntawv tso cai tej zaum kuj yuav hais kom ib tus tswj hwm muaj ntawv tso cai kawm kom txog 5 xuaj moos ntawm kev kawm ntawv ntxiv txhua xyoo tom qab muab ntawv tso cai. Hu rau tus neeg lis ntaub ntawv pov thawj rau koj kom paub seb koj lub chaw ua hauj lwm muab ntawv pov thawj puas muaj qhov kom ua kom tau no.						
(1)(b)2.c.	Ua ntej yuav muab ntawv pov thawj, lub chaw ua hauj lwm muab ntawv pov thawj kuj yuav kom tus neeg ua ntawv thov kawm ntawv tiav qib high school, kawm kom tiav ib qib xws li diploma los yog kawm tau Qib Kev Kawm Xws Kev Kawm Dav (General Equivalency Degree, GED). Hu rau koj chaw ua hauj lwm muab ntawv pov thawj kom paub ntxiv.						

Number	DCF 202 Child Care Certification Standards	Neeg Ua Ntawv Thov			Certification Agency		
		Y	N/A	Y	N	N/A	COMMENTS
<b>202.08(1) QUALIFICATION OF PROVIDERS (continued)</b>							
(1)(b)2.d.	Ib tug tuaj hloov hauj lwm uas ua hauj lwm ntau tshaj 240 xuj moos rau ib tug tswj hwm muaj ntawv tso cai tsis muaj kev txwv yuav tsum tau ua raws li cov kev kawm kev cob qhia hais kom ua hauv 2. a. thiab b. saum toj saud.						
<b>202.08(1)(c) Reporting Changes</b>							
(1)(c)	Tus tswj hwm yuav tsum qhia sai li sai tau rau qhov chaw khiav hauj lwm paub, tab sis tsis pub dhau qhov chaw khiav hauj lwm muab ntawv tso cai hnuv ua hauj lwm hnuv tom ntej, hais txog tej kev pauv twg uas yuav muaj feem cuam tshuam rau tus tswj hwm kev tsim nyog tau txais ntawv tso cai, nrog rau cov nram qab no:						
(1)(c)1.	Tus me nyuam zov tuag los yog ntsib tej ua yuam kev uas raug mob rau ib tug me nyuam zov yuav tsum tau kev kho mob tshaj lij.						
(1)(c)2.	Txhua yam kev ua puas rau lub chaw zov me nyuam raws li tshooj no.						
(1)(c)3.	Tej kev txua los yog kho tsev kom zoo ntawm cov chaw zov me nyuam uas yuav muaj feem xyuam rau txoj kev noj qab haus huv thiab kev nyab xeeb ntawm cov me nyuam zov.						
(1)(c)4.	Cov txim phua, cov kev liam txim tseem hais tsis tau tas los yog lwm cov kev ua txhaum cai ntawm tus tswj hwm, ib tus neeg hauv tsev neeg los yog lwm cov neeg uas yuav tau xyuas keeb kwm yav dhau los uas tej zaum yuav muaj tau ntsig txog kev zov me nyuam.						
(1)(c)5.	Txhua yam xwm txheej uas muaj feem xyuam txog kev ceev xwm, xws li cov ntawv tso cai ntes kaw los yog neeg hu txog kev tiv thaiv me nyuam.						
(1)(c)6.	Tej kev qhuab qhia me nyuam tsis tsim nyog los ntawm tus neeg muaj ntawv pov thawj zov me nyuam, tus neeg pab dag zog dawb los yog tus neeg hauv tsev, xws li txhua yam xwm txheej uas yuav raug muab tus me nyuam nchos los yog tsawb mus tsoo tej chaw tawv los yog tej chaw muag thaum cov sij hawm zov tus me nyuam.						
(1)(c)7.	Cov tib neeg tsiv los los yog tsiv tawm hauv lub tsev neeg.						
(1)(c)8.	Cov sij hawm hloov zov me nyuam, cov xov tooj los yog qhov chaw nyob kiag.						
(1)(c)9.	Txij thaum ntiav tus neeg ua hauj lwm tshiab los yog tus neeg pab dag zog dawb thiab ua ntej pib ua hauj lwm thiab pib pab dag zog.						
<b>202.08(1)(d) Substitutes, Employees and Volunteers</b>							
<b>*1(d)</b>	Ib tug tuaj hloov, neeg ua hauj lwm los yog tus ua hauj lwm pab dawb rau ib tug tswj hwm muaj ntawv tso cai tsis muaj kev txawv thiab ntawv tso cai mus ib ntus yuav tsum tau txais lus pom zoo los ntawm qhov chaw khiav hauj lwm muab ntawv tso cai ua ntej pib ua lawv txoj hauj lwm los yog ua txoj hauj lwm pab dawb. Lub chaw khiav hauj lwm muab ntawv pov thawj yuav tsum pom zoo rau tus neeg tuaj hloov, tus neeg ua hauj lwm los yog tus neeg ua hauj lwm pab dawb yog tias lub chaw khiav hauj lwm muab ntawv pov thawj twg tau txheeb paub tseeb tias tus neeg tuaj hloov, tus neeg ua hauj lwm los yog tus neeg ua hauj lwm pab dawb yeej ua tau raws li cov quag ntawm keeb kwm kev ua txhaum cai yav dhau los thiab kev tshawb fawb txog kev tsim txom me nyuam thiab kawm tiav txog cov kev mob SIDS thiab SBS raws li yuav kom kawm nyob hauv par. (b)1. Mus saib 202.08(1)(a)3. Rau ntawm qhov kom yuav tsum kuaj sim tus mob TB.						
<b>202.08(1)(e) Administration</b> <i>Ib tug tswj hwm yuav tsum tau ua tas nrho cov hauv qab no:</i>							
(1)(e)1.	Ua raws li tag nrho cov kev cai hauv lub zos thiab lub xeev uas kav txoj kev muab ntawv pov thawj thiab cov kev cai zov me nyuam thiab xyuas kom tag nrho cov neeg ua hauj lwm thiab cov neeg pab dag zog dawb coj raws li cov kev cai no.						
(1)(e)2.	Coj raws li tag nrho cov kev cai ntawm ntu no.						
(1)(e)3.	Xyuas kom paub tseeb tias tag nrho cov ntau ntawv uas muab rau lub chaw khiav hauj lwm muab ntawv pov thawj muaj tseeb raws li tam sim no thiab kom yog.						
(1)(e)4.	Tso cai rau ib tug neeg muaj ntawv pov thawj ua hauj lwm ntsuam xyuas lub tsev kom taug qab tau cov quag kev muab ntawv pov thawj.						

Number	DCF 202 Child Care Certification Standards	Neeg Ua Ntawv Thov			Certification Agency		
		Y	N/A	Y	N	N/A	COMMENTS
<b>202.08(2) THE HOME FOR PROVIDING CARE*</b> (Yog yuav zov tus me nyuam rau hauv tsev, cov lus teb yog nyob ntawm siab yeem.)		Y	N/A	Y	N	N/A	
(2)(a)	Lub tsev muaj ntawv pov thawj zov me nyuam thiab cov chaw ua si nraum zoov yuav tsum zoo raws li cov kev cai nram no: * Cov qhov rooj tawm lub tsev yuav tsum zoo raws li cov nram no:						
<b>*(2)(a)1.</b>	* Tag nrho cov qhov rooj yuav tsum tsis muaj dab tsi thaiv.						
<b>*(2)(a)2.</b>	* Ib tshooj tsev los yog qib tsev twg uas siv ua chaw zov me nyuam yuav tsum muaj tsawg kawg yog 2 lub qhov rooj tawm.						
<b>*(2)(a)3.</b>	* Lub qhov rooj tawm loj yuav tsum yog ib lub qhov rooj los yog tus taw ntaiv uas tsis muaj dab tsi thaiv kom tawm tau hauv lub tsev ntawm qib kev los yog ntawm npoo av.						
<b>*(2)(a)4.</b>	* Yog qhov chaw zov me nyuam tsis nyob rau hauv tshooj tsev hauv qab lawj, lub qhov rooj tawm yuav tsum yog ib yam ntawm no:						
<b>*(2)(a)4.a.</b>	* Lub qhov rooj los yog tus taw ntaiv uas tawm tau tsis muaj dab tsi thaiv mus rau sab nraum lub tsev ntawm qib kev los yog qib npoo av.						
<b>*(2)(a)4.b.</b>	* Lub qhov toj los yog tus taw ntaiv mus rau ib lub plag tseg los yog qaum ru tsev uas muaj nqaj tswj hwm yuav tsum muaj qhov chaw nqaim kawg nkaus yog 25 taws xwm fab xwm meem, yuav tsum luv kawg yog li 4 taws thiab tsis pub sib tshaj 15 taws saum npoo av.						
<b>*(2)(a)4.c.</b>	* Lub qhov rai tsis nruab siab tshaj 46 ntv ntawm npoo av uas muaj rab peev xwm qhib tau sab hauv tsev uas tsis tag siv ciaj los yog kev tshem tawm txoj hlab thiab muaj lub qhov rai qhib rov tav nqaim kawg nkaus yog li 20 ntv thiab qhib siab txog 24 nti.						
<b>*(2)(a)5.</b>	* Yog zov me nyuam rau hauv qab lawj, lub qhov rooj tawm ob yuav tsum yog ib yam nram no:						
<b>*(2)(a)5.a.</b>	* Lub qhov rooj los yog tus taw ntaiv uas tawm tau tsis muaj dab tsi thaiv mus rau sab nraum lub tsev ntawm qib kev los yog qib npoo av.						
<b>*(2)(a)5.b.</b>	* Lub qhov rai tsis nruab siab tshaj 46 ntv ntawm npoo av uas muaj rab peev xwm qhib tau sab hauv tsev uas tsis tag siv ciaj los yog kev tshem tawm txoj hlab thiab muaj lub qhov rai qhib rov tav nqaim kawg nkaus yog li 20 ntv thiab qhib siab txog 24 nti. Lub qhov rai yuav tsum qhib hlo mus rau saum npoo av los yog lub qhov av tho khoob sab nraum lub qhov rai kom dav li 6 taws xwm fab xwm meem uas tsis tho mus tob rau hauv qhov av tshaj 46 ntv ntawm npoo av.						
<b>*(2)(am)</b>	* Lub tsev yuav tsum muaj lub ntsuas pa roj carbon monoxide uas ua hauj lwm thiab txhua tshooj tsev yuav tsum muaj lub ntsuas pa hluav taws.				**		
202.08 (1)(e)1.	<i>Ua kom tau raws li tag nrho cov cai lij choj.</i> Pib txij lub 2 Hlis Tim 1, 2011, tas nrho cov tsev ib los yog ob yig nyob yuav tsum muaj ib lub tshuab txhom pa tsw (carbon monoxide detector) tseem ua hauj lwm teeb rau hauv qab daus thiab txhua theem ntawm lub tsev es tsuas tseg saum nthab thiab qhov chaw rau tsheb xwb. Yog lub tshuab muab cab xov txuas rau lub tsev cov xov fais fab, lub tshuab yuav tsum muaj ib lub roj teeb faj seeb cia tom qab.						
(2)(b)	* Tag nrho cov chaw uas siv los zov me nyuam yuav tsum muaj cov cua sov tsim nyog thiab cua sov tsev nyab xeeb, teeb cig thiab kev dim pa, nrog rau tag nrho cov nram no sed for child care shall have adequate and safe heat, light and ventilation, including all of the following:						
(2)(b)1.	* Cov huab cua sab hauv tsev yuav tsum tsis txias tshaj 67 degree Fahrenheit.						
(2)(b)2.	* Yog cov huab cua sab hauv tsev tsis sov tshaj 80 degree Fahrenheit, tus neeg muaj ntawv pov thawj zov me nyuam yuav tsum muab cov kiv cua zoo los yog lwm cov kev ua kom muaj cua khiav taus.						
<b>*(2)(c)</b>	Lub tsev yuav tsum tsis txhob muaj khoom txaus ntshai, xws li cov khoom lag luam tsim puas. Yuav tsum muab cov khoom cia nrug deb kom me nyuam muab tsis cuag, xws li tiam sis tsis tag rau cov nram no:						
<b>*(2)(c)1.</b>	Cov tshuaj kho mob thiab tshuaj yeeb.						
<b>*(2)(c)2.</b>	Cov khoom ntxuav vaj ntxuav tsev, cov tshuaj lom tuag thiab cov tshuaj tua kab tsuag.						
<b>*(2)(c)3.</b>	Sov phom, cov mos txwv, cov riam, cov txiab thiab cov khoom ntse.						
<b>*(2)(c)4.</b>	Cov ntais ntawv, cov ntais zes luam yeeb thiab cov kua txais tau txim taws.						
<b>*(2)(c)5.</b>	Cov hnab yas.						
<b>*(2)(c)6.</b>	Cov khib nyhiab thiab khoom phem.						

Number	DCF 202 Child Care Certification Standards	Neeg Ua Ntawv Thov		Certification Agency			COMMENTS
		Y	N/A	Y	N	N/A	
<b>202.08(2) THE HOME FOR PROVIDING CARE (continued)</b>							
* <b>(2)(cm)</b>	* Yuav tsum muab cov phom thiab mos txwv cais cia rau cov chaw xauv uas me nyuam muab tsis cuag.						
(2)(d)	* Cov chaw sab hauv tsev thiab sab nraum zoo uas siv los zov me nyuam yuav dav txaus rau kev ua si thiab kev ua ub no uas haum rau cov me nyuam zov txoj kev loj hlob.						
* <b>(2)(e)</b>	Cov cheeb tсам ua si sab nraud yuav tsum tsis txhob muaj tej khoom yuav ua tau muaj kev phom sij thiab yuav tau xov laj kab rau los yog tus tswj hwm yuav tau nrhiav kev xyuas kom ntseeg tau tias cov me nyuam muaj kev kaj huv, nrog rau cov no::						
* <b>(2)(e)1.</b>	Txwv txiav tsis kheev siv cov tiaj siv pob zeb zom ua thiab cov vuas pob zeb puas rau hauv qab cov khoom nce ua si, cov viav vias thiab cov zawv zawg.						
* <b>(2)(e)2.</b>	Yuav tsum tsis txhob siv cov pas dej khawb rau hauv av, cov pas dej txawb saum npoo av, cov pas dej kub thiab cov khoom thaws dhia ua si loj loj thaum cov sij hawm zov me nyuam thiab yuav tsum muaj khoom ruaj nrees thaiv los yog lwm cov kev thaiv tsis kheev me nyuam mus cuag tau.						
(2)(e)3.	Siv tau cov pas dej ntiav ntiav yog hloov cov dej txhua hnuv thiab yog tso tshuaj tua kab rau lub pas txhua hnuv. Nyob rau ntawm nqe no, “pas dej ntiav” txhais tias yog lub pas dej tsis tob, muaj peev xwm nchuav hloov cov dej tshiab thiab tsuas yog cov me nyuam me siv xwb.						
(2)(f)	* Cov tsiaj nyob rau hauv tsev yuav tsum tiv thaiv me nyuam thiab txhaj tshuaj tiv thaiv kab mob dev vwm. Yuav tsum muaj ntaub ntawv pov thawj rau cov tshuaj txhaj tiv thaiv kab mob dev vwm tam sim no los ntawm ib tug kws kho tsiaj. Yuav tsum muab cov tsiaj uas yuav tsum teeb meem rau me nyuam tshem tawm hauv tsev thiab tshem tawm ntawm cov chaw siv zov me nyuam sab nraum zoov.						
* <b>(2)(g)</b>	* Lub tsev yuav tsum muaj tsawg kawg yog ib lub xov tooj uas ua hauj lwm nrog cov xov tooj kub ceev nrhais rau ntawm txhua lub xov tooj, xws li cov xov tooj hu cuag pab neeg cawm siav, tub ceev xwm, chaw tua hluav taws, chaw kho mob kub ceev thiab chaw tswj tshuaj lom tuag. Lub koom haum muab ntawv pov thawj yuav tau txwv txiav txoj kev siv cov xov tooj ntawm cev uas thawj lub xov tooj tseem ceeb. Yog yuav siv lub xov tooj ntawm cev, nws yuav tsum ua hauj lwm zoo thaum cov sij hawm zov me nyuam.						
(2)(i)	* Lub tsev yuav tsum du dais, tsis muaj khoom ntxhov los yog tsis muaj kab tsuag los yog nas tsuag.						
(2)(j)	* Yuav tsum ntxuav cov chaw dej, nrog rau cov qhov tso zis tso quav, cov dab dej ntxuav muag, cov rooj zaum tso zis tso quav thiab yuav tsum ua hauj lwm. Khaws tsis tau cov khoom teev rau ntawm par. (c) cia rau hauv chaw dej uas cov me nyuam zov siv.						
(2)(k)	* Thaum twg tsis muaj dej tso rau pej xeem huab hwm siv, yuav tau muab cov dej ntsuas thiab kom tsis muaj kab mob thiab cov tshuaj nitrate yeej nyob qib nyab xeeb ua ntej yuav muab ntawv pov thawj zaum ib thiab txhua txhua 2 lub xyoos ib zaug twg.						
(2)(L)	Cov chaw, cov khoom, cov tiaj thiab cov khoom ua noj ua haus, cov chaw rau noj thiab chaw tu yuav tsum ntxuav, tsis muaj kab mob thiab ua hauj lwm zoo.						
(2)(m)	* Cov me nyuam sib qiv tsis tau cov khob haus dej, cov tais diav, cov phuum ntxuav muag los yog cov phuum.						
* <b>(2)(n)</b>	Txwv txiav tsis kheev muaj haus luam yeeb sab hauv tsev los yog ntawm qhov chaw sab nraum zoo uas muaj me nyuam nyob nrog ncig.						
(2)(o)	* Yog qhov chaw zov me nyuam nyob hauv ib lub tsev xauj, tus tswj hwm yuav tsum muaj ib daim ntawv tso cai los ntawm nws tus tswj tsev los mus qheb qhov lag luam zov me nyuam.						
* <b>(2)(p)</b>	* Cov tsev yuav tsum tsis muaj tej xim pleev tsev nti, laws los yog puas ntawm cov chaw sab nraud los yog sab hauv uas me nyuam siv txog.						
<b>202.08(4) CHILD HEALTH CARE</b>							
(4)(a)	Ib tug tswj hwm yuav tsum muaj ntawv kuaj lub cev tam sim no khaws cia rau txhua tus me nyuam, nrog rau tus tswj hwm tus kheej cov me nyuam zov, li tom ntej no: Lus cim: Qhov kom ua kom tau nyob rau nqe (a) tsis siv rau ib tug tswj hwm chaw zov me nyuam uas thov los ntawm lub chaw khiav hauj lwm muab ntawv tso cai sau ua ntaub ntawv muab kev zam rau ib tug me nyuam vim los ntawm tus me nyuam niam txiv txoj kev ntseeg siv kev thov ntuj los yog ntsuj plig rau txoj kev ua kom tsis muaj mob.						

Number	DCF 202 Child Care Certification Standards	Neeg Ua Ntawv Thov			Certification Agency		
		Y	N/A	Y	N	N/A	COMMENTS
<b>202.08(4) CHILD HEALTH CARE (continued)</b>							
(4)(a)1.	Rau cov me nyuam tsis nto 2 xyoos, yuav tsum muaj tsab ntawv ceeb toom txog kev ntsuam xyuas kab mob nkeeg tsis ntev tshaj 6 lub hlis dhau los los yog tsis ntev tshaj 3 lub hlis ua ntej txais nws zov thiab muaj kev taug qab ntsuam xyuas kev noj qab haus huv txhua txhua 6 lub hlis ib zaug twg txij li tom qab txais zov lawm.						
(4)(a)2.	Rau tus me nyuam muaj hnuv nyoo 2 xyoos los yog looj dua, yuav tsum muaj tsab ntawv ceeb toom txog kev ntsuam xyuas kab mob kev nkeeg tsis ntev tshaj 2 lub xyoos dhau los los yog tsis ntev tshaj 3 lub hlis tom qab txais zov tus me nyuam thiab kev taug qab ntsuam xyuas kev noj qab haus huv txhua txhua 2 lub hlis ib zaug twg txij li tom qab txais zov lawm.						
(4)(b)	Tsab ntawv ntsuam xyuas kab mob kev nkeeg saum no yuav tsum yog ib daim luam tawm los ntawm tshuab fais fab tuaj ntawm ib tus kws kho mob muaj ntawv pov thawj, tus pab tus kws kho mob, los yog tus kws tshawb txog kev muaj mob los yog rau ntawm ib daim foos uas lub department muab uas muaj npe kos thiab sau hnuv tim rau los ntawm ib tus kws kho mob muaj ntawv pov thawj, ib tus pab tus kws kho mob los yog ib tus kws tshawb txog kev muaj mob.						
* <b>(4)(e)</b>	Tus tswj hwm yuav tsum muaj ntaub ntawv khaws cia muaj tseeb tias txhua tus me nyuam zov (nrog rau tus tswj hwm cov me nyuam) tau txhaj tshuaj raws li tsab cai DHS 144.				**		
* <b>(4)(f)</b>	Tus neeg muaj ntawv pov thawj zov me nyuam tsuas muab tau tshuaj rau tub me nyuam raws nkaus li cov lus sau thiab kos npe tso cai los ntawm tus niam txiv ntawm tus me nyuam.						
* <b>(4)(g)</b>	Tus neeg muaj ntawv pov thawj zov me nyuam yuav tsum ntxuav nws ob txhais tes nrog cov tshuaj xub npum thiab dej sov so ntws sis tom qab tso zis tso quav tag, ua ntej yuav npaj khoom noj khoom haus thiab tom qab qhww me nyuam caj tw tag.						
* <b>(4)(h)</b>	Tus neeg muaj ntawv pov thawj zov me nyuam yuav tsum tswj kom txhua tus me nyuam nws zov yuav tsum ntxuav lawv cov tes nrog tshuaj xub npum thiab dej sov so ntws sis ua ntej yuav noj haus thiab tom qab tso zis tso quav tag.						
* <b>(4)(i)</b>	Tus neeg muaj ntawv pov thawj zov me nyuam yuav tsum hloov me nyuam daim ntaub qhww caj tw ntawm lub tsee uas ntxuav tau huv si yooj yim nrog tshuaj xub npum thiab dej thiab tshuaj tua kab tom qab siv ib zaug twg tiav.						
(4)(j)	Tus neeg muaj ntawv pov thawj zov me nyuam yuav tsum ntxuav tus me nyuam lub qhov nqaij to nrog tshuaj xub npum thiab dej xwb thiab muab ntau qhww pab los yog ntaub nplaum qhww tiv thaiv rau.						
* <b>(4)(k)</b>	Yog ib tug neeg muaj ntawv pov thawj zov me nyuam ras txog tias muaj ib tug me nyuam uas tuaj rau zov los yog tus neeg zov tus me nyuam nws yug muaj ib tug kab mob kis tau yooj yim los ntawm txoj kev sib chww, xws li kab mob qoob, German qhua pias, kab mob siab kis mob loj heev, qhua pias, kab mob tuv dev, ua npaws los yog kab mob tawv hlwb thiab tawv txha caj qaum, tus neeg muaj ntawv pov thawj zov me nyuam yuav tsum tau ua raws tag nrho cov kev cai nram no:						
* <b>(4)(k)1.</b>	Tus neeg muaj ntawv pov thawj zov me nyuam yuav tsum faj seeb qhia rau lub chaw tswj xyuas pej xeem huab hwm kev noj qab haus huv thiab rau cov niam txiv ntawm tag nrho cov me nyuam uas nws zov.				**		
* <b>(4)(k)2.</b>	Ib tug me nyuam uas muaj / tau muaj ib tug kab mob kis tau yooj yim raws li teev ntawm ch. DHS 145 yuav txais tsis tau mus rau lub chaw zov me nyuam kom txog thaum twg tus niam txiv muab tau kws kho mob tsab ntawv teev tias tus me nyuam tus kab mob kis tsis tau ntxiv lawm los yog tus me nyuam tsis tuaj ntev txaus rau tus kab dua raws li teev los ntawm Department of Health Services.						
<b>202.08(5) SUPERVISION</b>							
(5)(a)	Tus neeg muaj ntawv pov thawj zov me nyuam yuav koom tsis tau nrog tej kev ua ub no los yog tes dej num thaum cov sij hawm zov me nyuam uas yuav cuam tshuam nrog txoj kev zov me nyuam kom zoo thiab kev tswj xyuas me nyuam tsim nyog.						
(5)(b)	Tus neeg muaj ntawv pov thawj zov me nyuam yuav tsum tsim mee txhua lub sij hawm nws muaj cov me nyuam zov uas tseem tsim tsis tsaug zog.						
(5)(c)	Tsis muaj ib tug neeg muaj ntawv pov thawj zov me nyuam yuav zov tau me nyuam ntev tshaj 16 teev hauv ib lub caij nyoo 24-teev. Ntawm lub sij hawm 16 xuj moos yog qhov muab sib ntxiv twg ntawm kev zov los ntawm ib tug zov me nyuam uas muaj ntawv tso cai zov me nyuam hauv tsev thiab ib tug tswj hwm chaw zov me nyuam muaj ntawv pov thawj.						
	Cov Sij Hawm Qheb: TXIJ _____ am/pm TXOG _____ am/pm						

Number	DCF 202 Child Care Certification Standards	Neeg Ua Ntawv Thov		Certification Agency			COMMENTS
		Y	N/A	Y	N	N/A	
<b>202.08(5) SUPERVISION (continued)</b>							
(5)(d)	Tus tswj hwm yuav tsum ua kom ntseeg tau tias txhua tus me nyuam muaj cov neeg muaj hnuv nyoog saib xyuas txhua lub sij hawm.						
(5)(e)	Tus tswj hwm yuav tsum ua kom ntseeg tau tias yuav tsis cia ib tug neeg twg uas tsis tau muaj 18 xyoo zov cov me nyuam nws ib leeg.						
(5)(em)	Tus tswj hwm tau taw ib tug neeg muaj hnuv nyoog ua tus muab kev pab thaum muaj ib qho xwm txheej kub ceev twg. Tus neeg pab zov me nyuam thaum kub ceev yuav tsum muaj hnuv nyoog me kawg nkaus yog 18 xyoo thiab yuav zov taus me nyuam tsum nyog. "Kev kub ceev" txhais tau tias yog tej xwm txheej uas tsis paub ua ntej tias yuav muaj tshwm sim, xws li kub nyhiab; cua daj cua dub; dej nyab; huab cua sab nraum zoov kub heev los yog txias heev; lub tsev siv tsis tau, xws li tsis muaj cua sov, dej, hluav taws xob los yog xov tooj; cov kev hem thawj rau lub tsev los yog cov neeg nyob rau hauv lub tsev; cov me nyuam ploj los yog paww; los yog ib yam teeb meem tshwm sim ntawm tus neeg zov me nyuam tsev neeg, xws li muaj kev kho mob los yog kab mob kub ceev. Tus Npaj Tseg Rau Tom Qab Thaum Muaj Xwm Kub Ceev						
(5)(f)	Tus tswj hwm thiab lwm tus muaj hnuv nyoog tsis hais leej twg uas ua hauj lwm nrog me nyuam yuav tsis haus los yog qaug dej qaug caww los yog lwm yam tshuaj tsis tau ua ntawv mus yuav thaum lub sij hawm qheb khiav qhov chaw zov me nyuam.						
(5)(g)	Tsis muaj ib tug neeg nyob rau hauv lub tsev muaj ntawv pov thawj cia zov me nyuam yuav haus tau los yog qaug tau dej caww thaum cov sij hawm muaj me nyuam nyob ib puag ncig.						
(5)(h)	Ib tug tswj hwm yuav tsis tso cai rau ib tug neeg twg uas tus zov me nyuam txiav txim tias tej zaum yuav ua tau teeb meem rau txoj kev noj qab haus huv los yog kev kaj huv ntawm cov me nyuam los mus cuag tau cov me nyuam zov.						
<b>*5(i)</b>	Tus tswj hwm yuav tsum khaws cov ntaub ntawv sau cov xuaj moos tuaj zov txhua hnuv ntawm txhua tus me nyuam zov, nrog rau lub sij hawm tuaj txog thiab tawm mus tiag rau txhua tus me nyuam. Yuav tsum khaws tseg cia cov ntaub ntawv teev npe me nyuam zov mus luv kawg yog 3 lub xyoo. Nqe 49.155(6m)(b), Wis. Stats., hais kom cov neeg zov me nyuam yuav tsum khaws cov ntawv uas teev cov me nyuam tuaj rau zov tuaj rau zov txhua hnuv rau txhua tus me nyuam kom ntev mus tsawg kawg 3 xyoos txij hnuv uas tus me nyuam tuaj rau zov zaum kawg, txawm tus neeg zov me nyuam tseem tau txais los yog muaj feem tau txais Wisconsin Shares cov nyiaj pab los tsis tau lawm.						
(5)(j)	Thaum twg cov me nyuam ua si sab nraum zoo, tus neeg muaj ntawv pov thawj zov me nyuam yuav tsum nyob raww sab nraum zoov nrog cov me nyuam thiab yuav tsum muaj qhov muag saib thiab ua suab us nthe xyuas me nyuam txhua txhia lub sij hawm.						
<b>202.08(6) MAXIMUM NUMBER OF CHILDREN</b>							
(6)(a)	Tus tswj hwm yuav zov tau txog 3 tug me nyuam tsis tau muaj 7 xyoo uas tsis txheeb ze rau nws.						
(6)(b)	Pab me nyuam coob tshaj plaws zov tau yog tsis kheev ntau tshaj 6 leej.						
(6)(d)	Tus tswj hwm yuav tsum ua kom tau raws li qhov pub txij tsawg leej cov cai tswj raws li tau teev rau hauv daim phiaj kos hauv qab no.						
(6)(e)	Thaum twg yog zov tus me nyuam nyob rau hauv nws lub tsev, (a) thiab (b) saum toj noj tsis muaj feem xyuam.						
<b>COV ME NYUAM ZOV TAU COOB TSHAJ PLAWS HAUV CHAW MUAJ NTAWV POV THAWJ ZOV ME NYUAM</b>				<b>THAUM TWG MUAJ COV ME NYUAM TSIS NTO HNUV NYOOG 2 XYOOS ZOV</b>			
Txheeb ze los yog tus tswj hwm cov me nyuam tsis tau nto hnuv nyoog 7 xyoo	Me nyuam tsis txheeb tsis tau nto hnuv nyoog 7 xyoo	Lwm cov me nyuam ntxiv hnuv nyoog 7 los yog hlob dua	Cov me nyuam coob tshaj plaws zov tau	Cov me nyuam tsis nto hnuv nyoog 2 xyoos	Cov me nyuam coob tshaj plaws zov tau *		
0	3	Zov tau lwm cov me nyuam ntxiv hnuv nyoog 7 txog 12 xyoos (yog muaj kev tu ncuat tshwj xeeb ces txog hnuv nyoog 19) tsuav tsis zov coob tus tshaj li kheev zov.	6	0	6		
1	3		6	1	6		
2	3		6	2	6		
3	3		6	3	5		
4	2		6	4	4		
5	1		6				
6	0		6				

\* Cov me nyuam coob tshaj plaws zov tau tsis xam tus neeg muaj ntawv pov thawj zov me nyuam tus uas nws yug, saws, me nyuam ntawm niam tshiab txiv tshiab los yog me nyuam ua niam qhuav txiv qhuav tu uas muaj hnuv nyoog 7 xyoo thiab hlob dua los yog txhua tus me nyuam hnuv nyoog 7 xyoo thiab hlob dua uas nyob rau hauv lub tsev. **Faj Seeb:** Raws li s. 48.65 (1), Stats., yog ib tug neeg muaj ntawv pov thawj zov me nyuam zov 4 tug los yog tshaj cov me nyuam muaj hnuv nyoog 7 xyoo uas tsis txheeb rau tus neeg muaj ntawv pov thawj zov me nyuam, rau txoj kev them nyiaj, tus neeg muaj ntawv pov thawj zov me nyuam yuav tsum mus muab tsab ntawv tso cai zov me nyuam ntawm Department of Children and Families los khiav lub chaw zov me nyuam. "Kev txheeb ze" txhais tau tias tus neeg muaj ntawv pov thawj zov me nyuam nws yug, saws los yog ua niam qhuav txiv qhuav tu, cov me nyuam ntawm niam tshiab txiv tshiab, cov xeeb leej xeeb ntawv, cov nus kwj tij, cov muaj viv ncaus, cov nus muag viv ncaus sib txheeb, cov xeeb ntawv, cov txiv hlob txiv ntxawm dab laug thiab cov niam hlob niam ntxawm niam tais phauj.

Number	DCF 202 Child Care Certification Standards	Neeg Ua Ntawv Thov		Certification Agency			COMMENTS
		Y	N/A	Y	N	N/A	
<b>202.08(7) PROVIDER INTERACTIONS WITH CHILDREN</b>							
(7)	Tus neeg muaj ntawv pov thawj zov me nyuam yuav tsum hmov tshua thiab coj ua zoo nrog cov me nyuam, thiab:						
(7)(a)	Yuav tsum tiv thaiv cov me nyuam nws zov ntawm kev phem thiab ras paub txog tus me nyuam txhua txhia lub sij hawm.						
(7)(b)	Yuav tsum tsis txhob ntaus, nplawm, de, nchos, npuaj, cuam los yog lwm yam kev qhuab qhia nchav rau tus me nyuam los yog siv txhua yam kev qhuab qhia uas yuav ua rau tus me nyuam ntshai, xws li khi los yog txwv txiav tsis kheev tus me nyuam txav tau los yog muab tus me nyuam kaw rau qhov chaw ti xws li hauv lub tub, lub qab lawj, chav xauv, lub thawv los yog ib chav muaj xov ncig zoo li ntawd.						
(7)(c)	Hais tsis tau lus tsim phem los yog lus hem thawj ib tug me nyuam los yog hais tsis tau lus saib tsis taus txog tus me nyuam los yog tus me nyuam tsev neeg.						
(7)(d)	Yuav tsum cob qhia kev zoo thiab coj me nyuam mus ua yam tshiab thiab qhia kev cai kom meej rau me nyuam.						
(7)(e)	Yuav tsum pab txhua tus me nyuam kawm kev tswj tus kheej lub siab, kev xav zoo txog tus kheej thiab kev hwm lwm tus neeg cov cai.						
(7)(f)	Tsis txhob siv cov sij hawm so tawm mus ntev tshaj 5 feeb. Rau cov laj thawj ntawm ntu lus no, lub "sij hawm so tawm" yog ib txoj kev cuam tshuam tus yam ntxwv tsis zoo yuav uas tshem tus me nyuam tawm ntawm qhov xwm txheej.						
(7)(g)	Tsis muaj rau txim rau tus me nyuam uas xyaum tso zis tso quav yuam kev.						
(7)(h)	Yuav tsum xyuas ceev tus me nyuam mos los yog me nyuam me cov kev quaj.						
(7)(i)	Yuav tsum muaj kev sib puag thiab xyuas ntshis tus me nyuam mos thiab me nyuam me thawm hnuv, xws li puag, qoj, hais lus rau, hu nkauj rau thiab coj mus taug kev sab hauv tsev thiab sab nraum zoov.						
(7)(j)	Yuav tsum muab tus me nyuam tsis mus kev uas tsim tsis tsaug zog hloov cev thiab hloov chaws tsis tu ncuu hauv tsev.						
<b>202.08(8) ACTIVITIES AND EQUIPMENT</b>							
(8)(a)	Tus neeg muaj ntawv pov thawj zov me nyuam yuav tsum npaj cov npaj cov tes dej num kom txhua tus me nyuam ua tau tag nrho cov nram no:						
(8)(a)1.	Muaj kev vam meej thiab xav zoo txog nws tus kheej.						
(8)(a)2.	Siv thiab txawj lus.						
(8)(a)3.	Siv cov yas cev loj thiab yas cev me.						
(8)(a)4.	Kawm cov tswv yim thiab txuj ci tshiab.						
(8)(a)5.	Koom kev ua txoj ua si.						
(8)(b)	Tus neeg muaj ntawv pov thawj zov me nyuam yuav muaj cov kev ua ub no haum raws qib hnuv nyoog thiab qib loj hlob ntawm cov me nyuam nws zov thiab yuav tsum muaj txhij txhua cov nram no sib npaug zos:						
(8)(b)1.	Muaj cov kev ua ub no sab hauv tsev thiab sab nraum zoov txhua hnuv, tshwj tsis yog huab cua phem heev uas mus tau nraum zoov los yog thaum twg muaj cov laj thawj kab mob kev nkeeg must sis tau.						
(8)(b)2.	Dhia ua si thiab ua si ntsiag to.						
(8)(b)3.	Tiv thaiv kom txhob muaj kev nkees heev thiab kev ua si dhau heev.						
(8)(b)4.	Kev ua ub no rau ib leeg thiab ib pab.						
(8)(b)5.	Nyeem ntawv luv kawg li 15 feeb rau cov me nyuam txhua txhua hnuv.						
(8)(b)6.	Muaj caij nyoog rau cov me nyuam tsis mus kev xyaum ua luav luam los yog nkag ntawm qhov chaw nyab xeeb, qhib dav, sov so thiab tsis muaj khoom dawm.						
(8)(c)	Tus neeg muaj ntawv pov thawj zov me nyuam yuav siv tsuas siv tau TV los hloov cov kev ua ub no rau me nyuam. Tsis muaj ib tug me nyuam twg yuav tsum tau saib TV.						
<b>202.08(8m) EQUIPMENT</b>							
(8m)(a)	Muaj cov khoom ua si sab hauv tsev thiab sab nraum zoo kom nyab xeeb raws li nram no:						
(8m)(a)1.	Cov khoom yuav tsum haum rau cov me nyuam qhov loj li cas thiab kev loj hlob.						
(8m)(a)2.	Cov khoom yuav tsum khov thiab ua hauj lwm zoo tsis muaj yam ntse, ntxhib, xoob los yog ntse hau.						



Number	DCF 202 Child Care Certification Standards	Neeg Ua Ntawv Thov		Certification Agency			COMMENTS
		Y	N/A	Y	N	N/A	
<b>202.08(8m) EQUIPMENT (continued)</b>							
(8m)(a)3.	Siv tsis tau cov khoom dhia ua si tshuab loj loj thaum cov sij hawm zov me nyuam.						
(8m)(b)	Kheev muaj ntau hom khoom ua si kom siv tau cov yas cev loj thiab yas cev me, ua txoj ua si thiab txhawb txuj ci ntawm lub hlwb.						
(8m)(c)	Cov khoom ua si hauv tsev yuav tsum muaj tsawg kawg txog 3 yam rau me nyuam xaiv thaum twg lawv yuav siv.						
(8m)(d)	Cov khoom uas siv sab nraum zoov yuav tsum muaj tsawg kawg yog ib yam khoom rau txhua tus me nyuam twg siv thaum tag nrho cov me nyuam siv cov khoom thooj txhij.						
<b>202.08(9) TRANSPORTATION</b>							
* <b>(9)(a)</b>	Thaum thauj cov me nyuam mus los tus tswj hwm yuav tsum ua kom ntseeg tau tias:						
* <b>(9)(a)</b>	Tus tsav tshab yuav tsum muaj daim ntawv tso cai tsav tshab tseem siv tau. Tus tswj hwm yuav tsum muaj tus tsav tshab daim ntawv tso cai tsav ib daim qauv cia rau hauv cov ntaub ntawv.						
(9)(b)	Lub tshab yuav tsum zwm nyob rau hauv Wisconsin.						
* <b>(9)(c)</b>	Yuav tsum muab txhua tus me nyuam zaum zoo zoo thiab khi siv kom ruaj los yog rau cov me nyuam tsis nto hnuv nyoog 8 xyoo, yuav tsum siv txoj kev khi kom ruaj tus me nyuam raws li nram no:						
* <b>(9)(c)1.</b>	Yog tus me nyuam yau tshaj ib xyoos los yog tsis nyhav tshaj 20 phaus, yuav tsum muab tus me nyuam khi rau lub rooj rau me nyuam zaum hauv tshab uas tig xub ntiag rov nram qab tshab.						
* <b>(9)(c)2.</b>	Raws li subd. 1., yog tus me nyuam muaj hnuv nyoog me kawg yog 1 xyoos thiab nyhav kawg nkaus yog 20 phaus, tiam sis yau dua 4 xyoos thiab tsis nyhav tshaj plaws yog 40 phaus, yuav tsum muab tus me nyuam khi rau lub rooj me nyuam zaum hauv tshab uas tig xub ntiag rov pem taub hau tshab.						
* <b>(9)(c)3.</b>	Yog tus me nyuam muaj hnuv nyoob me kawg nkaus yog 4 xyoos, tiam sis yau dua 8 xyoo, nyhav kawg nkaus yog 40 phaus tiam sis tsis nyhav tshaj 80 phaus thiab tsis siab tshaj 57 ntiag, yuav tsum muab tus me nyuam khi hlua saum xwb pwg los zaum rau lub rooj tshoom me nyuam zaum siab.						
* <b>(9)(c)4.</b>	Cov me nyuam tsis nto hnuv nyoog 13 xyoos zaum tsis tau lub rooj pem hau tshab.						
(9)(d)	Yuav tsum muaj tsab ntawv kos npe tso cai thauj me nyuam los ntawm niam txiv los yog tus neeg saib xyuas nyob nrog cov ntaub ntawv.						
(9)(e)	Tsis txhob cia cov me nyuam nyob hauv tshab tsis muaj neeg laus nrog rawv.						
* <b>(9)(f)1.</b>	Ib lub tshab uas muaj lub tswb nrov kom me nyuam tawm uas ua rau tus tsav tshab mus kuaj xyuas tau cov me nyuam hauv lub tshab ua ntej tawm mus yog hais tias tas nrho cov nqe lus nram qab no siv rau:						
* <b>(9)(f)1.a.</b>	Lub tshab yog tus tswj hwm qhov chaw zov me nyuam los yog ib tus neeg uas muaj ntawv cog lus nrog tus tswj hwm qhov chaw zov me nyuam yog tus tswv los yog mus xauj los (leased).						
* <b>(9)(f)1.b.</b>	Lub tshab muaj rooj txaus neeg zaum txog 6 leej los yog tshaj saud ntxiv rau tus tsav. Cov rooj ntawm lub tshab txaus zaum tsawg leej ntawd yuav tsum yog lub tuam txhab uas tsim lub tshab yog tus txiav txim.						
* <b>(9)(f)1.c.</b>	Muab lub tshab siv thauj cov me nyuam uas tuaj rau zov.						
* <b>(9)(f)2.</b>	Tsis pub leej twg mus tua lub tswb nrov kom me nyuam tawm tsuas yog tus tsav tshab xub tau kuaj xyuas lub tshab kom paub tseeb tias tsis muaj ib tus me nyuam tseem nyob hauv lub tshab tsis muaj neeg saib xyuas.					**	
* <b>(9)(f)3.</b>	Lub tswb nrov kom me nyuam tawm yuav tsum ua hauj lwm zoo txhua zaus uas muab lub tshab siv thauj cov me nyuam mus rau los yog los ntawm ib lub tsev zov me nyuam.					**	
<b>202.08(10) MEALS AND SNACKS</b> Tus tswj hwm yuav tsum ua kom ntseeg tau tias txhua tus me nyuam tau txais khoom noj khoom haus zoo tsim nyog thaum zov lawv raws li nram qab no:							
(10)(a)1.	Txhua tus me nyuam yuav tsum tau ib puas noj los yog puas txom ncauj tsawg kawg yog ib zaug hauv txhua txhua 3 teev twg.						
(10)(b)2.	Txhua tus me nyuam tuaj rau zov txog 4 los yog zov ntev tshaj yuav tsum muaj cov puas su los puas hmo uas yuav tsum muaj nqaij, txiv hmab txiv ntoo thiab zaub, cereal los yog qhov cij thiab mis nyuj qib zoo A muaj vivtasmees D. Lus cim: Cov tswj hwm uas koom rau hauv CACFP yuav tsum ua raws li CACFP cov cai tswj.						
(10)(c)3.	Yuav tsum muab txhua tus me nyuam mos uas tswj hwm tsis tau nws lub raj mis puag thaum pub mis. Muab lub rau mis txheem tsis tau rau nws noj mis.						

Number	DCF 202 Child Care Certification Standards	Neeg Ua Ntawv Thov		Certification Agency			COMMENTS
		Y	N/A	Y	N	N/A	
<b>202.08(11) REST</b>	Tus tswj hwm yuav tsum ua kom ntseeg tau tias txhua tus me nyuam muaj ib qho chaw huv si, xis nyob thiab kaj huv rau lawv nyob so raw li nram qab no:						
<b>*(11)(a)</b>	Yuav tsum kheev txhua tus me nyuam so los yog pw tsaug zog yav nruab hnuv rau ib qho chaw huv si, nyab xeeb thiab xis pw uas tsis zes raug.						
<b>*(11)(b)</b>	Txhua tus me nyuam yuav tsum nyias muaj nyias ib daim pam pua los yog pam vov los yog ob daim tib si thiab phlaub tog hauv ncoo yog siv tog hauv ncoo.						
<b>*(11)(c)</b>	Kom txo tau me nyuam mos kev cia li tuag (sudden infant death syndrome) (SIDS), yuav tsum muab txhua tus me nyuam pw ntseeg tiaj, tshwj tsis yog tus me nyuam tus kws kho mob qhia kom muab nws pw lwm hom. Tag nrho cov chaw pw rau cov me nyuam tsis nto hnuv nyooog ib xyoos yuav tsum yog siv cov pam pua taw thiab siv tsis tau cov ntaub pua chaw mos mos xws li cov pam vov, cov tog hauv ncoo, cov pam vov su su los yog cov khoom ntaub.						
<b>*(11)(d)</b>	Yuav tsum muaj lub txaj me nyuam nyab xeeb los yog lub tawb rau cov me nyuam tsis nto ib xyoos siv pw tsaug zog.						
<b>202.08(12) PROVIDER AND PARENT COMMUNICATION</b>							
(12)	Tus tswj hwm yuav tsum muaj kev sib txuas lus mus los tsis tu ncuu nrog rau tus me nyuam niam los yog txiv los yog ua kom ntseeg tau tias ib tus tuaj hloov zov me nyuam muaj kev sib txuas lus mus los tsis tu ncuu nrog rau tus me nyuam niam los yog txiv uas yog ua kom tau tas nrho cov nram qab no:						
(12)(a)	Kheev cov niam txiv tuaj xyuas thiab saib lub chaw muaj ntawv pov thawj zov me nyuam thaum cov caij nyooog qhib zov me nyuam.						
(12)(b)	Sib tham nrog txhua tus me nyuam leej niam leej txiv tsawg kawg li ib zaug hauv ib lub lim tiam txog tus me nyuam txoj kev loj hlob, cov kev ua ub no, cov nws nyiam, cov nws tsis nyiam.						
(12)(c)	Sau kom muaj tsab ntawv cog lus uas teev tseeb txog cov nqi tsub rau txoj kev zov me nyuam thiab yuav them nyiaj rau kev zov me nyuam heev npaum li cas. Ib daim ntawv cog lus rau txhua tus me nyuam muaj npe zov yuav tsum muaj npe kos los ntawm tus tswj hwm thiab leej niam leej txiv los yog tus saib xyuas.						
(12)(d)	Luam kom muaj cov quag kev muab ntawv pov thawj rau txhua tus niam txiv.						
(12)(e)	Muab daim ntawv pov thawj zov me nyuam dai rau ib qho chaw kom cov niam txiv thiab cov neeg tuaj xyuas pom yooj yim.						
<b>*(12)(f)</b>	Siv tsab ntawv rau npe uas muaj:						
<b>*(12)(f)1.</b>	Cov niam txiv cov xov tooj hauv tsev thiab hauv hauj lwm.						
<b>*(12)(f)2.</b>	Cov niam txiv kos npe tso cai muab kev kho mob kub ceev.						
<b>*(12)(f)3.</b>	Ib lub npe thiab xov tooj hu cuag yog tus me nyuam yuav tau muaj kev kho mob kub ceev.						
(12)(g)	Siv cov ncauj lus uas lub tuam tsev muaj ntawm tsab ntawv "Intake for Child Under 2 Years - Child Care Centers" kom paub zov tau raws txhua tus me nyuam tsis nto hnuv nyooog 2 xyoos.						
(12)(h)	Qhia rau niam txiv paub txog tej kev rau txim los yog kev raug mob uas tau tshwm sim thaum cov sij hawm zov me nyuam.						
(12)(i)	Sau ntawv qhia rau niam txiv paub seb qhov chaw puas muaj ntawv tswj hwm tuav pov hwm kev zov me nyuam.						
<b>*(12)(j)</b>	Faj seeb rau cov niam txiv paub yog ib tug me nyuam tau mus poo tau rau ib tug kab mob kis tau yooj yim ntsuam yeej ntsuam xyuas pom los yog xav tias muaj raws li ch. DHS 145 thiab kis tau los ntawm txoj kev sib chww yog tias tus neeg muaj ntawv pov thawj zov me nyuam ras paub txog txoj poo no.						
<b>202.08(13) DISCRIMINATION PROHIBITED</b>							
(13)	Tus tswj hwm yuav tsum tsis cais neeg tsis raws cai los ntawm haiv neeg, tsos nqaij daim tawv, poj niam los yog txiv neej, kev plees kev yiv, kev ntseeg, kev mob xiam oob qhab los yog keeb kwm teb chaws los yog caj ces hauv txoj kev txais zov me nyuam los yog hauv txoj kev ua hauj lwm ntawm cov neeg ua hauj lwm.						
<b>202.08(14) MANDATORY CHILD ABUSE REPORTING</b>							
(14)	Tus neeg muaj ntawv pov thawj zov me nyuam uas muaj qhov laj thawj xav tias ib tug me nyuam uas nws zov tau raug kev tsim txom los yog kev tsis saib xyuas los yog tus me nyuam ntawd raug kev hem thawj yuav tsum txom los yog hem yuav tsis saib xyuas thiab yeej muaj kev tsum txom los yog kev tsis saib xyuas tshwm sim, yuav tau ceeb toom rau cheeb nroog lub chaw pab kev noj kev haus los yog tuam tsev pab pej xeeb huab hwm, chaw ceev xwm kev cai lij choj los yog lwm cov koom haum raws li teev ntawm s. 48.981, Stats. <a href="https://dcf.wisconsin.gov/reportabuse">https://dcf.wisconsin.gov/reportabuse</a> .						

Number	DCF 202 Child Care Certification Standards	Neeg Ua Ntawv Thov		Certification Agency			COMMENTS	
		Y	N/A	Y	N	N/A		
<b>202.04(1) BASIS FOR CERTIFICATION</b>								
(1)	Yuav kom tau ntawv tso cai, ib tug tswj hwm yuav tsum raug rau txoj kev zam los ntawm kev muab ntawv tso cai hauv 48.65, Stats., thiab yuav tsum ua kom tau raws li cov qauv cag uas tau muab hais meej rau hauv txheej lus no.							
<b>202.04(3) APPLICATION FOR CERTIFICATION</b>								
(3)(c)	Tus ua ntawv thov / tus tswj hwm yuav tsum ua kom tau raws li qhov qhia paub txog keeb kwm yav dhau los uas yuav tsum tau ua raws li s. 48.685, Stats.							
<b>202.04(7) COMPLIANCE</b>								
202.04 (7)(b)2.e.	<i>Ua kom tau raws li tag nrho lub zos thiab xeev cov cai lij choj:</i> Qhov chaw khiav hauj lwm muab ntawv pov thawj yuav tsum tshawb xyuas keeb kwm muaj txim loj raug ntes yav dhau los ntawm cov neeg ua ntawv thov ntawv pov thawj, cov neeg ua hauj lwm / cov yuav los ua hauj lwm yav tom ntej, cov ua hauj lwm pub dawb thiab cov neeg nyob hauv qhov chaw zov me nyuam uas tsis yog cov tuaj kom zov me nyuam raws li tau hais rau hauv s.48.685(2)(am), Wis. Stats. Yuav tsum tau ua qhov tshawb xyuas tus neeg muab kev pab tu (caregiver) keeb kwm muaj txim loj raug ntes yav dhau los txhua xyoo rau tus tswj hwm qhov chaw zov me nyuam thiab lwm cov uas poob rau Tus Muab Kev Pab Tu Tsab Cai Lij Choj (Caregiver Law) raws li tau hais rau hauv s. 48.685(2)(am), Wis. Stats.				**			
202.08 (1)(e)1.	Qhov chaw khiav hauj lwm muab ntawv tso cai yuav tsum xyuas cov ntaub ntawv khaws cia hais txog cov kev nrhiav pom los yog tshawb nug txog kev tsim txom thiab tsis saib tsis xyuas me nyuam uas muaj ntsig txog cov neeg ua ntawv thov, cov neeg ua hauj lwm / cov yuav tau tuaj ua hauj lwm, cov tuaj ua hauj lwm pab dawb thiab cov tib neeg uas nyob hauv tus neeg ua ntawv thov lub tsev.				**			
202.08 (1)(e)1.	<i>Ua kom tau raws li tas nrho lub zos thiab lub xeev cov cai lij choj:</i> Qhov chaw khiav hauj lwm muab ntawv pov thawj yuav tsum mus tshawb xyuas qhov chaw teev ib tus ua txhaum cai ntawm kev quab yuam deev lwm tus (Sex Offender Registry) ntawm cov neeg uas poob rau Tus Muab Kev Pab Tu Tsab Cai Lij Choj (Caregiver Law) ua ntej muab thawj daim ntawv pov thawj raws li tau hais rau hauv s. 48.685(2)(am), Wis. Stats.				**			
202.08 (1)(e)1.	<i>Ua kom tau raws li tag nrho lub zos thiab xeev cov cai lij choj:</i> Qhov chaw khiav hauj lwm muab ntawv pov thawj yuav tsum hais kom tus neeg ua ntawv thov, cov neeg ua hauj lwm, cov neeg yuav tau tuaj ua hauj lwm, cov tuaj ua hauj lwm pab dawb, cov tuaj hloov thiab cov neeg nyob hauv lub tsev uas muaj hnuv nyoog 12 xyoos thiab tshaj saud los mus xa daim foos qhia tawm keeb kwm yav dhau los ua ntej muab thawj daim ntawv pov thawj raws li tau hais rau hauv s. 48.685(2)(am).				**			

Kuv yuav xa ib tsab ntawv thov thiab lwm cov ntaub ntawv uas yuav tsum muaj mus rau lub chaw khiav hauj lwm muab ntawv pov thawj kom raws lub sij hawm teev tseg los ntawm lub chaw khiav hauj lwm muab ntawv pov thawj. Yog tsis xa cov ntaub ntawv rov thov ntawv pov thawj zov me nyuam mus rau lub chaw khiav hauj lwm nws yuav ua teeb meem rau cov nyiaj them los ntawm Wisconsin Shares Subsidy Program thiab ntawm Child and Adult Care Food Program.

Kuv lees tias txhua cov xov xwm ntawm tsab ntawv txheeb no yeej muaj tseeb thiab yog, raws li kuv muaj peev xwm paub tau. Kuv to taub cov lus teev saum no thiab kuv yuav tsum tau koj raws li cov lus no kuv thiaj li ceev tau kuv daim ntawv pov thawj zov me nyuam mus ntxiv.

KOS NPE – Tus Ua Ntawv Thov / Tus Tswj Hwm	Hnub Kos Npe
KOS NPE – Neeg Ua Hauj Lwm Muab Ntawv Pov Thawj	Hnub Kos Npe